



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>







MYTHOLOGUMENA AESCHYLEA.

—— Teildruck

DISSERTATIO INAUGURALIS PHILOLOGICA

QUAM

Dionysos : übersetzen!

CONSENSU ET AUCTORITATE

AMPLISSIMI PHILOSOPHORUM ORDINIS

IN

UNIVERSITATE FRIDERICIANA HALENSI

CUM VITEBERGENSI CONSOCIATA

AD SUMMOS IN PHILOSOPHIA HONORES

RITE IMPETRANDOS A. 1888

SCRIPSIT

WOLFRAMUS KAUSCHE
BRUNSVICENSIS.

HALIS SAXONUM

FORMIS DESCRIPSIT E. KARRAS

MDCCCLXXXVIII.

EL

PA3829

K3

III 1691.2

2m A 2099

L 14 Te

EDUARDO HILLERO

SACRUM.

E 225 (64)

Praefatio.

De Aeschyli mythopoeia disputaturo vel potius congesturo mythologumena Aeschylea paucis mihi praemonendum est, quibus adductus sim causis ad hoc opusculum instituendum, quid utilitatis id habere putem, quas denique rationes secutus sim in tractanda et disponenda ea materia.

Cum Graecorum litteris nobis servatis operam dans maxime delectarer tragoediis Aeschyleis, ita ut in eum praeter ceteros studia conferrem, mythorum praecipue et fabularum formis tenebar operaeque pretium mihi videbatur fore accuratius perquirere, quae tragici summi fuerint in eligendis fabulis et tractandis rationes, i. e. qui fuerint eius fontes, quemadmodum eis se applicaverit, quae denique ei fuerint causae sive mutandae sive servandae mythi cuiusque formae. Incepto autem hoc opere brevi intellexi satis fructus mihi non futurum esse, nisi singula respexissem quaecunque apud Aeschylum exstent mythologica. Nam quae in universum in ea re eius fuerint rationes ei, qui aliqua ex parte antiquitatis studio imbutus est, apparet, quaeque huc pertinent iam saepius a viris doctis observata sunt¹, ita ut satis nota sint. Parvam autem fabularum partem aliquam si accuratius investigarem ceteris fabulis neglectis, firmas mythopoeiae Aeschyleae normas me non assecuturum esse mihi confitendum erat. Sed simul intellexi opus illud mihi propositum annorum complurium tempus exposcere, praesertim cum admodum adulescenti mihi tantum eruditionis litterarumque scientiae nondum esset, quantum ad id opus bene perficiendum opus est.

Quibus de causis nunc sola constitui edere 'mythologumena Aeschylea' sive 'accurate atque ita, ut facile perspicui possint, composita quaecunque apud Aeschylum inveniuntur mythologica'. Nam et hoc opus multis, qui in veterum litteris versantur, viris exoptatum fore spero. Iam Lessingium nostrum cupivisse, ut





1000

Caput I.

Deorum fabulae.

1. Ζεύς¹.

§ 1. a) Origo atque incrementa.

Iovem Κρόνον filium esse commemoratur Prom. 201, 600, 942; Eum. 644; frg. 193 (v. 5). Mater Iovis Γῆ Suppl. 903 appellatur².

Iovem non semper regnasse, sed vi et bello superato patre Saturno imperium occupasse identidem apud Aeschylum legitur. Spectat ex parte huc Promethei fabulae argumentum, in qua Iupiter novi regnatoris partes agit. Cf. vv. 35, 95, 156, 326, 405, 992. Iam duos ante Iovem imperium tenuisse Ag. 178 sq., Prom. 989 dicitur. Narratur de Iovis et Saturni bello Prom. 215 sq.: seditionem ortam esse inter deos aliis cum Iove Saturni imperium evertere volentibus, aliis defendentibus³; vicisse tandem Iovem consiliis usum Promethei qui desertis Titanibus ad eum profugisset⁴, Prom. 235, 320. Victos autem Saturnum (filium exsecrantem Prom. 942) eiusque socios in Tartarum deiectos in custodia tenet Prom. 235, 160; Eum. 644⁵. Imperium nactus deis sociis potestates et honores distribuit Prom. 245, cf. Eum. 92. Ceterum novum statum rerum novasque leges suo arbitrio (Prom. 158, 202, 419, 939) edictas saevissime defendit. Talem eum per totam fabulam 'Promethei' Aeschylus nobis proponit. Cf. praeter ceteros vv. 34 sq., 202, 340, 418 sq., 172 sq.⁶

Rebellat contra Iovis imperium Typhoeus Prom. 373⁷. Sed facile eum Iupiter domat percutiens fulmine atque Aetna monte superiecto coercet; Prom. 367 sq., Sept. 500, 504.

Deinde Iovi hominum genus recreaturo (Prom. 248) adversarius existit Prometheus⁸ vanumque reddit id consilium,

Prom. 250 sq. Quem ut sibi oboedientem reddat, gravissimis suppliciis Iupiter exagitat neque tamen diu frangere potest eius animum obstinatum. Hoc praeclare depingit poeta per totam fabulam 'Promethei'. Vide praeter ceteros vv. 1075 sq. Sed multo tempore praeterlapso in gratiam Iovis redit Prometheus Titanibus iam antea e vinculis solutis; frg. 191, 193⁹.

§ 2. b) Iovis natura, mores, auctoritas.

Vis et potentia. De vi et natura Iovis duo loci Aeschylei valde memorabiles sunt: Ag. 170 sq.: Ζεὺς ὅστις ποτ' ἐστίν, εἰ τόδ' αὖ τῷ φίλον κεκλημένῳ, | τοῦτό νιν προσεννέπω. | οὐκ ἔχω προσεικάσαι | πάντ' ἐπισταθμώμενος | πλὴν Διός, εἰ τὸ μάταν | ἀπὸ φροντίδος ἄχθος | χρὴ βαλεῖν ἐτητύμως, et fragm. 65 a: Ζεύς ἐστιν αἰθήρ, Ζεὺς δὲ γῆ, Ζεὺς δ' οὐρανός, | Ζεύς τοι τὰ πάντα χῶτι τῶνδ' ὑπέρτερον. Quibus summum atque absolutum quoddam numen Iovem dicit similiter ac philosophi de eo docebant. Vi et robore multo praestantiorē esse Iovem omnibus ceteris et deis et daemonibus saepissime Aeschylus praedicat. Est παγκρατής Sept. 241, Suppl. 823, Eum. 919, cf. Suppl. 1046; ἀμφιθαλής Ch. 393; οὐδὲν ἀσθμαίνων μένει Eum. 654; τελέων τελειότατον κράτος Supp. 535; 'nunquam ab alio victus' Sept. 501, Ag. 183. Reformidant eius potentiam ceteri dei, ut in Promethei prologo identidem ostendunt Vulcanus et Robur (vide praeter ceteros vv. 40, 68, 50: ἐλεύθερος γὰρ οὔτις ἐστὶ πλὴν Διός), deinde Oceanus Prom. 327 sq. et Oceanides 196 sq., 543 sq. Prometheus, qui eam sese non timere iactet, tamen re vera eam acerbissimam sentit. Et ipse Iove nolente sese solvi non posse fatetur Prom. 274. 'Hominibus eum esse eo magis δυσπολέμητον' (Suppl. 656, cf. Prom. 570) consentaneum est. Neque tamen infinitam putari ab Aeschylō Iovis potentiam esse vel potius semper fuisse inde videmus, quod ipse Iupiter Mercurio ad Prometheum misso (Prom. 979 sq.) concedit fieri posse, ut aliquis ipso potentior existat, Prom. 940 sq.¹⁰ Ceterum de finibus potentiae eius memorabiles sunt etiam Eum. vv. 652 sq.

§ 3. Omnium rerum rector et moderator Iupiter apud Aeschylum saepissime significatur: Sept. 601; Pers. 535, 742, 917; Prom. 542, 569 (Διὸς ἁρμονία); Supp. 89 sq., 95 sq.,

102 sq., 217, 364 (Ζεὺς κλάριος), 386 (ὕψοθεν σκοπός), 632, 681, 830, 1059; Ag. 587, 682, 965, 1020, 1486 sq.; Eum. 653, 762¹¹. Sic appellatur: παντελής Sept. 111, νεμέτωρ Sept. 472, τέλειος Ag. 964, Eum. 28; παναίτιος, πανεργέτης Ag. 1487; μέγας τέκτων, τὸ πᾶν μῆχαρ, οὐριος Supp. 602; πανόπτας Eum. 1046. Sic ipse Iupiter hominibus nutrimentum, fruges vinum, procreat Ag. 961, 1001, 1390, Supp. 696; opes et pecuniam praebet Ζεὺς (κτήσιος) Supp. 454. Ad hoc rerum gubernandarum Iovis munus pertinet imago non semel ab Aeschylo usurpata Iovis libra sortes pendentis. Dicitur ἑτερορρεπής Supp. 408, invocatur σὸν δ' ἐπίπαν ζυγὸν ταλάντου κ. τ. λ. Supp. 829. Notissimum autem est in ipsam scenam productum eum esse libram tenentem in fabula, quae ab hac ipsa re dicta est Ψυχοστασία. Vide frg. 276¹².

Quamquam multis eorum quos enumeravi locis sic fatum, ut ita dicam, in Iovis potestate vel arbitrio positum esse dicitur (vide praet. cet. Supp. 95 sq., 1059, 606 et Ch. 305, ubi Parcae invocantur, ut Διόθεν aliquid efficiant), tamen in Prometheo vincto (ubi Iupiter nondum deus perfectissimus est¹³) disertis verbis premitur etiam ipsum Iovem subiectum esse fato sive Parcarum destinatis ipsi ignotis. Non solum iactat Prometheus se scire vaticinium ad Iovem pertinens illi ignotum Prom. 183 sq., 534 sq., 790 sq., 940 sq., 990, 1028, sed Iupiter ipse id fatum metuit conaturque vi et minis illum cogere, ut id sibi prodatur Prom. 979 sq.¹⁴

§ 4. Iuris, bonorum morum, civitatum, legum auctor et conservator. Iupiter, cum res divinas et humanas regit et moderatur, summa in ea re iustitia utitur: Supp. 102, 407 sq., 445, 654 sq., 820; Sept. 930; Pers. 829; Ag. 367 sq., 530 (δικηφόρος), 1562; Ch. 641, 771; probos defendit et tuetur, improbos poenis persequitur. Quare imploratur ab eis, qui suam iustam esse causam putant contra adversarios, ut ab Eteocle et Thebanis Sept. 69, 111, 472, 617, 807¹⁵, a Danaidibus Supp. 27, 110, 537, 822, 1063, 1073, ab Oreste¹⁶ et Electra Ch. 18, 244 sq., 381, 394, 408, a choro Ch. 784 sq., 854. Iovis ius et bonos mores defendentis epitheta apud Aeschylum sunt: σωτήρ, οἰκοφύλαξ Supp. 26, Eum. 763, cf. frg. 52; ἀλεξήτριος Sept. 8¹⁷; ξένιος qui et hospites tuetur, Supp. 635, 680, et violatum hospi-

tium ulciscitur, Ag. 61, 374, 747; *ἀγοραῖος* qui civitatum instituta curat Eum. 974; *ξυνέσιος* Ag. 706; *ἀφίκτωρ* Supp. 1; *ἰκέσιος* Supp. 349, 624; *ἰκτήρ* Supp. 487; *ἰκταῖος* Supp. 390¹⁸. Paene omnibus his locis, ubi supplicum defensor Iupiter vocatur, gravissimum eius *κότον* esse premitur in eos, qui supplicantes vel neglegant vel laedant. Rami, supplicum symbola, *αἰδοῖον Διὸς ἀγάλματα* dicuntur Supp. 198, ipsi supplicantes *ἰκέται Διὸς* Supp. 649, *ἔκτορες Ζηνός* 661. Ipse Iupiter, ut iniuriam ulciscatur, Furias et *Ἄτην* hominibus mittit Ag. 56¹⁹, 747, Ch. 381.

Etiam auctor et conditor iuris, legum, civitatum Iupiter habendus est. Ab illo reges sceptrum et solia acceperunt Ag. 43, Eum. 629, Pers. 764. Ab eodem primus expiatus est Ixion homicida Eum. 721; praeterea de Iove expiatore cf. frg. 340.

§ 5. Summa Iovis sapientia. Etiam omnium prudentissimum et sapientissimum eum qui omnia regat esse consentaneum est Prom. 62, Supp. 1059, 1068. Quaecunque Apollo vaticinatur oracula a Iove ei suggeruntur Eum. 619 sq., frg. 82 (cf. Eum. 17, 19, 716, 801). Nihilominus ignorat Iupiter vaticinium de nuptiis sibi imminentibus Prometheo notum, Prom. 979 sq. (vide adn. 14).

§ 6. Iovis auctoritas. Imperio occupato oppressisque rebellionibus Iupiter supremus deorum tamquam rex, pater agnoscitur: *πρύτανις μακάρων* Prom. 182, *μόναρχος οὐκ ἐπ-εύθυνος* Prom. 340, *ἄναξ ἀνάκτων, μακάρτατος μακάρων* Supp. 533, *πατήρ θεῶν* Ch. 780, *Ὀλυμπίων* Eum. 621, *πάντων μέγιστος* Ch. 244, *ὑψιστος* Eum. 28, *γαιάοχος* Supp. 823, *βασιλεύς* Pers. 535, Ag. 367²⁰. Regnat nullius imperio subiectus, nemini obnoxius Supp. 603 sq. De solio et aula Iovis dicitur Ag. 1562, Prom. 942 (cf. 242), Prom. 123. Sedes illius aulae in Olympo putanda est; cf. Prom. 157, Ch. 780, Eum. 621. Deorum *τύραννος* ipse, dominatio eius *τυραννίς* saepius vocatur in Prometheo Vincto: v. 10, 238, 240, 321, 326, 762, 782, 941, 974, 1028 (cf. 989)²¹.

§ 7. c) Res Iovis propriae et sacrae.

Nubes, fulmen, tonitrus. Nubes Iovis dicuntur Supp. 788 (cf. Prom. 1025); fulmina et tonitrus eius arma sunt, qui-

bus utitur ad adversarios impugnandos Prom. 374 sq., 948, 954, Sept. 500, contumaces coercendos Prom. 1024, 1049, 1075, 1095, 1116 sq., puniendos homines impios et superbiores Prom. 694, Ag. 475²², Sept. 417²³. De domo in qua fulmen a Iove asservatur Minerva dicit Eum. 830.

Aquila avis Iovis sacra est. Vocatur *Διὸς πτηνὸς κύων* Prom. 1054, Ag. 141; „Iovis satellites“ Cicero vertit ‘Promethei Soluti’ aliquos afferens versus frg. 193 (v. 12).

Loca Iovis sacra apud Aeschylum haec inveniuntur: Dodonae quercuum oraculum *Θεσπρωτοῦ Διὸς* Prom. 856, Athos mons Ag. 297, Cenaeum promunturium frg. 27, ara eius in Ida monte exstructa frg. 155. Praeterea Athenas *φρουρίον θεῶν νέμει* Iupiter Eum. 920, Argis *ὑπατος χώρας* invocatur Ag. 514, Aegyptus *Διον πάμβοτον ἄλσος* dicitur Supp. 567.

§ 8. d) Iovis coniugia, filii, prognati.

Uxores Iovis esse Aeschylus has commemorat: Iunonem frg. 329, Supp. 306, cf. Eum. 214, frg. 52; Maiam Mercurii matrem frg. 387; Electram Erichthonii matrem frg. 437²⁴; Io Prom. 615 sq., Supp. saepenumero²⁵, matrem Epaphi Prom. 877, Supp. 48; Thaliā matrem Palicorum deorum Siculorum frg. 5; Europam matrem Minois, Radamanthis, Sarpedonis frg. papyr.²⁶ Praeterea identidem in Prometheo (790, 940 sq., 979, cf. 183) mentio fit illius coniugii a Iove petiti, quod nisi vitaret vaticinium erat fore, ut filius ipso potentior nasceretur²⁷.

Ex filiis Iovis Mercurius, Erichthonius, Palici modo commemorati sunt; de Mercurio cf. etiam Prom. 979, 1001. Vulcanus Iovis filius dicitur Prom. 4, 40, 53, Apollo Eum. 19, Pan frg. 29²⁸, Hercules frg. 201, Amphion Sept. 515. Filiae eius sunt: Minerva Sept. 120, Eum. 418, 667; Diana Ag. 141; *Δίκη* Sept. 649, Ch. 948. Niobe Iovem *πατρῴον* dicit frg. 155.

Ad not. 1) De Iove Aeschyleo disseruerunt: Welcker, tril. p. 92 sq.; Klausen, theol. Aesch. p. 65 sq.; Stacke, Jahn's Archiv 1851 (Jbb. Supp. 17) p. 406 sq.; Dronke, Jbb. f. Philol. Suppl. IV (1861), p. 7 sq.; Schwarz, die Darstellung des Zeus im Prometheus des Aeschylus, Progr. Salzwedel. 1875. Cf. etiam Preller-Robert, Gr. myth. I, p. 153. Cf. adn. 5. — Miram sententiam de Iove Aeschyleo Godofr. Hermannus protulit (de Prom. Aeschyl. 1845, opp. VIII, p. 146), adductus diversitate quae inter Iovis mores, quales in Prometheo Vineto et qua-

les in ceteris fabulis describuntur, intercedit: „Duplicem usum esse nominis Iovis apud veteres, praeter ceteros apud Aeschylum. Significare nomen illud nunc unum ex deis qui supremus habeatur, nunc omnino divinam naturam cet.“ Iam satis hanc Hermannii sententiam refutavit Schoemannus in ‘Vindiciis Iovis Aeschylei’ (opp. III, pag. 98 sq.). Cf. etiam Keckium, *der theologische Charakter des Zeus in Aesch. Prom.*, p. 2; Wecklein., *ed. Prom.* p. 12.

2) Recte adnotat scholiastes: ἡ αὐτὴ γὰρ Πῆα καὶ Γῆ. Clarius hoc demonstrat Klausenius l. l. p. 33 adn. 46. Etiam Sophocles Terram Iovis matrem appellat Phil. 389. Cf. Hermannum ad h. l.

3) Cf. § 75.

4) Tenendum vero est Prometheum ipsum hoc de se dicere. Cf. § 81.

5) De Atlantis poena vide § 42.

6) Maxime conspicua est primo aspectu ne dicam offendit diversitas morum et indolis Iovis, quales in Prometheo Vincto et quales in ceteris fabulis Aeschylus describit. Nunquam alias tam durus ne dicam severus et crudelis dominus Iupiter fingitur quam in Prometheo Vincto. Atque cum alias summa illi est sapientia, vis, potentia, in Prom. et fato subiectus est, cum fieri possit, ut existat qui eo potentior sit, neque omnium rerum futurarum gnarus est. Iam quaestio difficillima coorta est, quae huius rei Aeschylo fuerit causa. Quae doctissimos aetatis nostrae viros occupavit. Afferre sufficiat: Welckium l. l. et Gr. Götterlehre II, p. 246 sq.; Dissenium (in Welckeri tril. p. 92 sq.); Schoemannum, *ed. Prom.* p. 1 sq.; opp. III p. 95 sq., 120 sq.; Noch ein Wort über Aeschyl. *Prom.*, 1859; G. Hermannum, opp. VIII p. 144 sq.; Caesarem, *Z. f. d. A.* 1845 p. 321 sq.; *Der Prometheus des Aeschyl.*, 1860; Vischer., *Ueb. die Prometheus-Tragödien des Aeschylus*, Bas. 1859; Keck., *Der theol. Charakter des Zeus in Aesch. Prom.*; Dronkium, l. l. p. 14 sq.; Marcovitz., *De Aesch. Prom.*, Progr. Düsseldorf 1865; Schwarz., *progr. supra laud.*; Wecklein., *Stud. zu Aesch.*, p. 23 sq.; *ed. Prom.*, p. 12, 16 (ibid. p. 24 plura quae de hac quaestione disputata sunt Weckleinius nominavit). Quorum omnes opiniones omniaque argumenta ut hic recenseam, spatium huius opusculi non permittit. Satis habeo fateri mihi persuasum esse recte se habere eam sententiam, quam primus protulit Dissenius (l. l.), fusius persecuti sunt argumentisque confirmaverunt Caesar et Keckius: „Ut in Eumenidibus Furiarum commutationem quandam nobis proposuerit (cf. § 63 c. adn. 12), sic Aeschylum ne Iovem quidem putasse semper deum perfectissimum fuisse qualem plerumque eum describat. Sic in ‘Vincto Prometheo’, ubi imperium deorum modo occupaverit, quod magnopere premitur ab Aeschylo, nondum perfectum eum fingi, in fabula autem quae subsequebatur, ‘Soluto Prometheo’, animum eius indolemque iam ita mutata proposita fuisse, ut perfectissima sint.“ Cf. §§ 84 et 85. Rerum singularum, de quibus dissentit Caesar et Keckius, hoc unum memoratu dignum mihi videtur, quod hic (l. l. p. 23)

censet Aeschylum non paulatim sed 'sine dubio' uno actu, scil. Themidis coniugio, hanc Iovis mutationem effectam esse putasse. Nec vero ullo loco hoc significari ab Aeschylo tenendum est neque quae affert argumenta Keckius hoc necessarie demonstrare censeo.

7) Cf. § 76.

8) Cf. § 81.

9) Vide § 84.

10) Cf. adn. 14.

11) Multis locis paene pro ipso fato Iovis nomen ponitur. Vide adnot. 14.

12) Cf. § 96.

13) Vide adnot. 6.

14) Fusius et accuratius disseruerunt de ratione quae intercedat inter Iovem et fatum: Schoemannus, ed. Prom. p. 108 sq.; Keckius, l. l. p. 13 sq.; Herwigius, das ethisch-religiöse Fundament der aeschyl. Tragödie, Prog. Constant. 1878, p. 18. Cf. etiam Welckerum, tril. p. 100 (c. adn. 120); Klausenium, theol. Aesch. p. 39 sq.; Dronkium, l. l. p. 9 sq.; cet.

15) Cf. Sept. 518 βίᾱ Διός.

16) Observandum etiam est ipsum Iovem auctorem principalem dici ab Aeschylo vaticinii illius quo imperatur Oresti, ut matrem occidat. Vide § 108.

17) Hoc ipsum ἀλεξητήριος Iovis epitheton, ni fallor, praeter hunc Aeschyli locum nunquam invenitur. Sed simili epitheto eum appellant Attici senes apud Sophoclem (Oed. Col. 143) Ζεῦ ἀλεξητορ. Vel hac de causa non vera scientia niti, sed temere conicere arbitrator scholiastam Aeschyli adnotantem Ἀλεξητήριος Ζεὺς ἐν Θήβαις τιμᾶται. Quo accedit, quod ἀλεξητήριος 'averruncus' minime tale mihi epitheton videtur esse, qualia in singulis certis urbibus deorum propria esse solebant.

18) Haec Medicei lectio est. Quae vox cum alias non reperitur, offendit nonnullos viros doctos et reposuerunt ἰκτίον pro ἰκταίων Dindorfius, Hermannus, Oberdickius. Traditam vero formam retinuit Weckleinus, comparans εὐκταίαν Sept. 710.

19) Quamquam hoc loco poeta dubitat, utrum in Iovem an Panem an Apollinem hoc conferendum sit.

20) Suppl. 903 lectio incerta ὦ βᾶ.

21) Cf. adn. 6. — De 'Iove ἐναλίῳ' cf. § 36.

22) Hic locus corruptus est, neque vero de sensu ulla dubitatio.

23) Etiam Ch. 395 de fulmine videtur cogitandum esse.

24) Sine dubio recte coniecit Schneidewinus 'Aeschylus' scribendum esse pro tradito 'Scilos'.

25) Suppl. qui huc pertinent locos compositos et digestos et ampliora de Iovis et Ius coniugio vide § 163.

26) Vide § 117 adn. 1.

27) Thetidis coniugium quin intellegendum sit, quamquam nusquam

nomen ab Aeschylo commemoratur, dubium non videtur. Cf. Pind. Isthm. VIII, 30 sq. (Bgg.) et Philodemi locum apud Dind. ante frg. 191. Vide etiam Wecklein., ed. Prom. p. 15; Graef., Jahrb. des archäolog. Inst. 1886 p. 199. Ceterum re vera Iupiter illud coniugium vitat Peleo Thetide nuptum data. Cf. § 129.

28) Cf. § 53 (c. adn. 3).

2. Ἥρα¹.

§ 9. Iuno Iovis nobilissima et iusta uxor est, frg. 329, Supp. 306 (cf. Eum. 214). Itaque auctoritate, nobilitate, potestate omnes ceteras deas superat; Supp. 1046, frg. 52. *Πόρνια* appellatur Sept. 136. Coniugiorum adiutrix *τελεία* dicitur Eum. 214, frg. 329.

Paulo ampliora apud Aeschylum exstant tantummodo de vexatione Ins a Iunone profecta. Fuit Io Iunonis sacerdos Supp. 298. Quae cum Iovis amorem incendisset, a Iunone bos facta est Supp. 303. Deinde custodem ei mittit Iuno Argum et vexatorem oestrum Supp. 307, 311, 573, cf. Prom. 617, 730, 930². Sed ipse Iupiter Iunonis invidiosos furores compescit Supp. 595.

Argos urbs Iunonis sacra est; Supp. 303 *Ἀργεῖα θεός* dicitur. Commemorandum denique est in 'Xantriis' Iunonem ab Aeschylo inductam esse divae sacerdotis tamquam partes agentem stipemque colligentem nymphis Argivis, frg. 170³.

Adnot. 1) Cf. Klausen., theol. p. 87 sq.

2) Praeterea aperte huc pertinet Supp. 170 sq., locus admodum corruptus. Etiam epitheton Iunonis *οὐρανόνιχος* quin recte illic eruerit Victorius, non dubito.

3) Satis mirum hoc est. Nec ad qualem fabulam vel rerum dramaticis conexum id pertineat, satis patet. Welckerus (tril. 331 adn. 581) adeo in eo offendit, ut ab Aeschylo id plane alienum esse censeret. Sed vide Dindorfium ad h. frg. Praeterea cf. Fritzschium ad Arist. Ran. 1344.

3. Ἥφαιστος¹.

§ 10. Vulcanus filius Iovis est Prom. 4, 40, 53, pater Thaliae matris Palicorum frg. 5. Prometheo sese esse cognatum et familiarem dicit Prom. 14, 39². Athenienses eius *παῖδες* dicuntur Eum. 13³. Proprius Vulcani est ignis Prom. 7, 38 eiusque munus (*χειρωναξία* Prom. 45, *τέχνη* 47) ars ferraria Prom.

45, 48. Officina ei est in Aetnae montis vertice Prom. 382. Appellative, ut ita dicam, ipsum ignem significat *Ἡφαίστος* Ag. 298. Fabri divini munere fungens permultis interest Vulcanus fabulis. E quibus Aeschylus memorat et datam esse a Vulcano falcem adamantinam Perseo frg. 253⁴ et quomodo ab eo Prometheus ad rupem alligetur Prom. 1 sq., 81, 646, frg. 193⁵. Opus eius est poculum illud quo Sol cotidie ab occidente ad orientem revehitur frg. 66⁶.

In Promethei prologo etiam indolem et mores Vulcani Aeschylus dilucide depingit. Invitissimus magnoque cum dolore officium Promethei vincendi exsequitur v. 14 sq., 45 sq., 67 sq., reprehendit Roboris malevolentiam atque immanitatem v. 42, 78; neque tamen obsistere audet patris imperatis v. 17, 34, 51, 72, et peccata Promethei vituperat v. 28 sq.

Ad not. 1) Cf. Klausen., theol. p. 106 sq.

2) Cf. Weckleinium ad Prom. v. 14 (ed. min.).

3) Quin hi *κλενθοποιοὶ παῖδες Ἡφαίστου* Eum. 13 Athenienses intellegendi sint, ut iam recte interpretatur scholiastes, dubitari nequit ratione habita sententiarum conexus. Minus autem certum esse videtur, qualem eorum et Vulcani relationem voce *παῖδες* significare voluerit poeta. Maxime mihi placet Schoemanni sententia (ed. Eum. p. 187), quam ante eum, etsi dubitanter, iam protulit Stanleius: sic eos dici, quia ab Erichthonio, filio Vulcani, originem ducant. Sed etiam quia omnium artium praecipue ferrariae peritissimi sint, Athenienses sic appellari posse concedo.

4) Cf. § 173.

5) De hac re ampliora vide § 82.

6) De Achillis armis vide § 93.

4. Ἀθηναῖ¹.

§ 11. Nata est Minerva non ex deae alicuius utero, sed ex Iove Olympio ipso, ἀλλ' οἷον ἔρνος οὐτίς ἂν τέκοι θεός Eum. 667 sq., 739, adde Sept. 120, Eum. 418; cf. etiam Eum. 830. Praeterea Triton Libyae lacus 'Minervae γενέθλιος πόρος' dicitur Eum. 293².

✕ Nomina Minervae apud Aeschylum sunt: Ἀθήνα Sept. 474, Eum. 235, 446, 893; Ἀθηναία Eum. 288, 299, 617; Παλλάς Sept. 122, 488, Eum. 10, 21, 79, 224, 632, 670, 757, 761, 775, 917, 1002, 1018. A Thebanis etiam cognomine Ὀρχα appellatur Sept. 149³, 474, 488.

De natura, moribus, rebus propriis Minervae haec exstant apud Aeschylum. De se ipsa praedicat: τὸ δ' ἄρσεν αἰνῶ πάντα, πλὴν γάμου τυχεῖν, | ἅπαντι θυμῷ, κάρτα δ' εἰμὶ τοῦ πατρός. Quare sese nihil curare eam quae maritum interfecerit, eique qui patris mortem ultus sit favere Eum. 732 sq. Iustitiam se defendere Minerva in stichomythia Eum. 421 sq. ostendit; non deesse ei sapientiam ipsae Furiae concedunt v. 434. Παρθένης appellatur Eum. 1000, φιλόμαχον κράτος Sept. 120. Solam se deorum claves nosse domus in qua fulmen Iovis asservetur, Minerva dicit Eum. 830⁴. Aegis Minervae propria commemoratur Eum. 407, qua inflata tamquam pro alis usa per aërem vehitur.

§ 12. Atheniensium urbs praeter ceteras Minervae sacra sive propria et peculiaris est, Παλλάδος πόλις Eum. 79, 775 (cf. 917), ἀπταὶ ναύποροι Παλλάδος Eum. 10, cf. 288, 671; nomen Ἀθηναία iam supra commemoratum est. Suos cives Athenienses Minerva dicit Eum. 490 (cf. Eum. 404 sq., 1002), et in Attica Furiis cultum comparaturam sese esse pollicetur Eum. 797 sq. In ipsa Eumenidum fabulae scena, qua Athenae proponuntur, simulacrum Minervae spectatores conspiciunt v. 79, 235, 412. Praeter Athenas loca Minervae sacra commemorantur: Triton lacus Eum. 293, Phlegra Eum. 295, Thebanum Oncae fanum, portae vicinum Sept. 474, 488; προναία a Pythia invocatur Eum. 21.

Partes non mediocres Minervae sunt in Orestis fabula. Ab Apolline admonitus is Athenas in illius adytum confugit petitque, ut a Furiis liberetur. Non deest eius precibus Minerva et Areopago iudicio instituto efficit, ut Furiae eum dimittant. Haec copiose in Eumenidibus Aeschylus tractavit v. 79 sq., 235 sq. usque ad finem⁵. Praeterea occasione data commemoratur: Agamemnonem atque Argivos Troiam oppugnantes a Minerva adiutos esse Eum. 460, prorae Argus navis a Minerva fagi Dodonaeae materiam quandam loquentem insertam esse frg. 19, adiuvisse eam Ulixem ea re, quod effecerit, ut quamquam nihil mutatum Philoctetes eum non agnosceret, Dio Chrys. or. LII (Nauck., frg. tr. p. 62; Herm., frg. 263).

Ad not. 1) Cf. Klausen., theol. p. 108 sq.

2) Cf. schol. ad h. v.

3) Cf. schol. ad h. v.

4) Hoc de Minerva fulminatrice videtur dictum esse. Cf. Hermannum ad h. l. et Preller-Robert., myth. Gr. I, 191.

5) Ampliora vide § 113.

5. Ἀπόλλων¹.

§ 13. Filius est Apollo Iovis, Eum. 19, 149, et Latonae Eum. 324. Mercurium fratrem dicit Eum. 89. Filius Apollinis est Apis, a quo Apia terra nominata est Supp. 269.

De ineunte Apollinis aetate occupatoque oraculo Delphico haec narrat Aeschylus in Eumenidum prologo v. 9 sq.: Delo insula relicta ad litus Atticae navem appellit, ut Delphicas regiones Parnassumque accedat. Venerabundi prosequuntur eum Athenienses² viam parantes ei atque expurgantes. Delphos autem ubi advenit, populus et Delphus rex consulantur eum ac venerantur. Iupiter autem artem manticam inspirat ei et quartum eum vatem Delphico oraculo praeficit³, v. 18. Nam ante eum deinceps id tenuerunt *Γατα*, *Θέμις*, *Φοίβη*, Eum. 2, 6. Phoebe autem Apollini oraculum ut *γενέθλιον δόσιν* donavit, Eum. 7.

Nec non Apollinis exilii Aeschylus mentionem facit: *φρυγάδα ἀπ' οὐρανοῦ θεόν* eum dicit Supp. 220. Eodem pertinet, quod Eum. 726 sq. Furiae Apollini obiciunt, in Pheretis domo homines⁴ ab eo immortales redditos esse Pareis antiquis deis vino deceptis.

× Nomina Apollinis praeter ipsum 'Ἀπόλλων'⁵ apud Aeschylum haec inveniuntur: *Φοῖβος* Eum. 8, ubi dicitur hoc cognomen eum recepisse una cum oraculo Delphico a Phoebe Titanide, Eum. 283, Sept. 678, frg. 281⁶, *Φοῖβος Ἀπόλλων* Eum. 747, Persarum deus *Φοῖβος* est Pers. 209; | *Λοξίας* Sept. 605, Prom. 696, Ag. 1058, 1207, 1210, Ch. 268, 556, 899, 952, 1028, 1034, 1037, 1057, Eum. 19, 35, 61, 235, 241, 468, 761, frg. 82; *Λύκειος* Sept. 131, Supp. 694; *Λύκειος Ἀπόλλων* Ag. 1256; *Παῖάν* Ag. 153⁷.

§ 14. Natura, mores, res propriae Apollinis. *Νέος* significatur Apollo Eum. 150 (cf. 162), 734. Ad Apollinem lucis deum praeter nomen *Φοῖβος* supra allatum hoc pertinet, quod 'Coeytus Phoebo invisus' Sept. 678 et 'ναύστολος per

Acherontem *θεωρὶς ἀστιβῆς Ἀπόλλωνι* dicitur Sept. 844⁸. Epitheton *ἑβδομαγέτης* ei est Sept. 785, quod quin hoc loco ad septimam Thebarum portam spectet non dubium est⁹.

Saeppissime divinandi Apollinis artis mentio fit apud Aeschylum. De qua praeter nomen *Λοξίας* et oraculi Delphici mentionem supra allata haec legimus. Datam eam artem a Iove ita esse, ut nihil vaticinari posset nisi quae ab illo iussus sit, Eum. 619 sq., frg. 82 (cf. Eum. 19 *Διὸς προφήτης*), 716, 801. *Μάντις* Apollo dicitur Ag. 1201, Eum. 169, 598, *μάντις ψευδῆς τὸ πρὶν* Ch. 557, *λατρόμαντις, τερασκόπος* Eum. 62, *τυθόμαντις* Ch. 1028; '*μάντις ὃν οὐ ψεύσομαι*' de se ipse affirmat Eum. 618. Vatum deus est Sept. 605, Ag. 1057, 1061, 1064. Thetis ei obicit: putasse se illius *θεῖον στόμα εἶναι ψευδές, μαντικῇ βρῶν τέχνη*, sed ab eo se deceptam esse; frg. 281. Consultitur Apollinis oraculum ab Inacho, atque ille primum multis dubie dictis postremum id quod Iovi placet vaticinatur, Prom. 685 sq.; consultitur ab Oreste, quem iubet marem et Aegisthum interficere minaturque summis malis se eum persecuturum esse, si hoc imperatum neglegat, Ch. 268 sq., 557, 999, 939, 1025 sq., Eum. 84, 468. Atque confidit Orestes non proditum esse Apollinis *μεγασθενῇ χρησμόν* Ch. 268, quod ipse deus denuo ei pollicetur Eum. 64, simul purgans eum Eum. 280 sq., 580 sq., 448 sq. eique imperans, ut Athenas in Minervae templum confugiat Eum. 79 sq., 235, 241 (*ἐφετμαὶ Λοίου χρηστήριοι*)¹⁰. Conqueruntur ea de causa Furiae Eum. 22 sq., quas in 'Eumenidibus' superbissime atque etiam comeliose tractantem Apollinem Aeschylus nobis proponit¹¹.

Oraculum Laio datum commemoratur Sept. 731, 787 (cf. 678). Iuo neglecto ipse Apollo poenas de Laii genere sumit¹².

Docuit Apollo artem manticam Cassandram Priami filiam, more eius captus. Illa autem promissa deo non implet. Qui, ut eam puniat, efficit ne quisquam credat quae misera virgo vaticinatur, Ag. 1201 sq.¹³

Sacer oraculorum Apollinis locus est fanum Delphicum sive pythicum: *ὀμφαλὸς γᾶς* Eum. 166, 40; *μεσόμφαλον ἴδρυμα* h. 1034, unde *μεσόμφαλα Πυθικά χρηστήρια* dicuntur Sept. 33; *μαντικοὶ μυχοί* Eum. 180; *πολυστεφῆς μυχὸς* Eum. 39; *ἐγὰς μυχὸς χθονός* Ch. 953. Illius templi πύρρος φέγγος

ἄφθιτον vocatur Ch. 1035. Ipsum templum primae 'Eumenidum' partis scena est, Eum. 40 sq., et Pythia, quae hominibus Apollinis oracula pronuntiat, partes in ea tragodia agit vv. 1—64. Dicitur Apollo ὁ Πύθιος ἄναξ Ag. 514, Λοξίας ὁ Παρνάσιος Ch. 952, πυθόμαντις Ch. 1028, oracula eius πυθόχρηστα Ch. 900 et πυθοχρήστας Ag. 1254; et Orestes Apollinis oraculo missus πυθοχρήστας dicitur φηγάς Ch. 939.

§ 15. Haec de vate Apolline exstant; pauciora de adiutore, medico, averterunco Aeschylus praebet. De nomine Ἀντικειος ter commemorato iam paulo ante exposui. Quibus omnibus locis dei auxilium imploratur. Σωτήρ et παίωνιος imploratur Ag. 517, ἰατρόμαντις appellatur et δωμάτων καθάρσιος Eum. 62 sq. Purgat Apollo Orestem matricidam Ch. 1058, Eum. 280 sq. (καθαρμοὶς χοιροκτόνοις), cf. 580 sq., 448 sq. Ἀγνιάτης Apollinis epitheton est Ag. 1065, 1070.

Etiam iustus iudex Apollo est. Ab eo in peccatores mittitur Furia ἑσπερόποινος Ag. 55.

De musico Apolline hoc unum Aeschyleum invenimus, cecinisse eum in Pelei et Thetidis nuptiis, frg. 281.

Arcus eius proprius est, χρυσηλάτῳ θόμυγγι sagittisque ἀργησταῖς instructus Eum. 181. Quare Hercules eum rogat, ut telum sibi dirigat frg. 205, Thetis in eum culpam mortis filii confert frg. 281. Etiam multorum, quae in Graccos Troiam oppugnantes Apollo coniecerit, telorum mentio fit Ag. 515.

Restat, ut afferam pauca de Apolline in universum dicta. Ut dicitur ille simpliciter μεγασθενής Eum. 61, summam eius esse apud Iovem auctoritatem legimus Eum. 229, non inclinatum esse eius animum ad querelas ac lamentationes Ag. 1059, 1063. Denique admodum memorabile est, quod affert Macrobius (I, 18, 6), eandem quae Euripidi, qui Apollinem Liberumque unum eundemque deum esse significet, Aeschylo sententiam fuisse dicenti: ὁ Κισσεὺς Ἀπόλλων, ὁ Βαρχεῖος, ὁ μάντις frg. 394 Dind. (332 N., 358 H.)¹⁴.

Ad not. 1) Cf. Klausen., theol. p. 113 sq.

2) Cf. § 10 adn. 3.

3) De Pythone interfecto nihil dictum est ab Aeschylo in reliquiis nobis servatis.

4) De Admeto Pheretis filio id dicunt. Cf. Hermannii ad h. v. adnotationem.

5) 'Ἀπόλλων' undevicies invenitur; v. Dind., lex. Aeschyl.

6) Spuria est tradita vox *Φοῖβος* Ch. 32, ubi *φόβος* latere Heathio et Weillio assentior. Cf. Ch. 928.

7) Remanet aliquid dubitationis, num recte hic Paeanem Apollinem interpreter Schneidewinum, Hensium, Engerum, Dindorfium (lex. Aesch. s. v.) secutus. Hermannus censet: non Apollinem ad avertendam Dianae iram invocari a Calchante, sed Paeanem, qui quisquis sit non sit frater Dianae. Me maxime, ut illis assentiar, movent quae Prellerus exponit (myth. Gr.³, vol. I p. 188 et 212, ed.⁴ Robert. p. 277). Cf. Dindorfium in Stephani thesauro s. v.

8) Quod Eratosthenes catast. c. 24 (frg. 20 Dind.) profert 'Orpheum Apollinem et Solem eundem putasse' num, sicut quae sequuntur, ex Aeschilo haustum sit, valde dubito. Sed memorabile est *Φοῖβον* Persarum deum significari Pers. 209. Cf. § 30 adn. 4.

9) Quid vero proprie hoc epitheton significet, discernere non audeo. Cf. Hermann., opp. VII pag. 293. Scholiastam interpretantem ἐν ἐβδόμῃ γεννηθείς et ἐβδόμῃ γὰρ ἐγεννήθη Ἀπόλλων, quod recepit Klausenius (l. l. p. 123), ἐβδομαγενὴν legisse fortasse recte Blomfieldus suspicatur.

10) Ampliora de hac fabula uberius ab Aeschilo tractata vide § 113.

11) At Ag. 55 ab ipso Apolline Furia mittitur. Cf. § 63 adn. 13.

12) Vide §§ 134, 142.

13) Cf. § 116.

14) E corruptis apud Macrobius litteris (vide ed. Eyssenhardtii) *KABAIOC* (P), *BAKCIOC* (B) Hermannus *Βαχχεῖο*; restituit veram sine dubio lectionem.

6. Ἄρτεμις¹.

§ 16. Filia Iovis Diana significatur Supp. 151². Etiam quae una cum Apolline invocatur *Λατογένεια κόρυς* Sept. 133 et quae dicitur *Λητώα κόρη* frg. 169, aperte Diana est. Quocum, } *hic not. p. 26*
quod memorabile est, aliquantum discrepat, quod Herodotus tradit, Cereris filiam Dianam ab Aeschilo fictam esse, frg. 436 a³.

De Dianae natura et moribus haec invenimus in Aeschyli reliquiis. Ἄγνᾶ dicitur Supp. 150⁴, 1041, Ag. 140. Ut castitatem defendat, imploratur Supp. 153 sq., 1041. Partus tuetur et mulierum Supp. 684 et bestiarum Ag. 140 sq. Ferarum catulis omnino favet Ag. 146 sq. Ἐκάτα epitheton eius est Supp. 684⁵. Ἀστερωπὸν ὄμμα Λητώας κόρας de luna dicitur frg. 169.

De cultu Dianae haec tantummodo afferenda sunt, προ-

στατηραν deam a Thebanis eam dici Sept. 436 et commemorari *μελισσονόμονος δόμον Ἀρτέμιδος* frg. 84.

Dianam Atridis iratam esse tecte nec tamen dubie a Calchante perstringitur Ag. 139 sq., 155 sq. Postulari ab ea immolationem Iphigeniae pronuntiatur Ag. 210 sq. Ac verba vatis ita composita sunt, ut causa Dianae irae videatur esse aquilarum cena leporina. Sed recte Blomfieldus (pag. 162) et Welckerus (tril. p. 409) monuerunt, eam non causam sed indicium irae esse a dea ostentum⁶.

Ad not. 1) Cf. Klausen., theol. p. 97 sq.

2) Neque enim, quamquam non exstat nomen Dianae, quin haec illic dea intellegenda sit, dubium esse potest. Ἄγνὰ Diana saepius (vide paulo infra), Minerva nunquam ab Aeschilo dicitur. Hermannus mutatione nomen Ἀρτεμις efficere voluit. Sed recte Weilius, Oberdickius cet. non opus esse hac mutatione docent. Quae Buechelerus (Rh. Mus. 40 p. 628) suspicatur „ad Minervam haec verba et ad Parthenonis parietes modo exstructos vocem ἐνώπια (v. 152) spectare“, iam satis refutata sunt mea sententia a Wilamowitzio (Herm. XXI p. 608 adn. 1). Cf. adn. 4.

3) De hac repugnantia vide § 58 adn. 2.

4) Eodem loco σεμνὰ ἐνώπια ἔχουσα appellatur, sed primo aspectu dubites, quomodo ἐνώπια explicandum sit. Hesychius exhibet: ἐνώπια· τὰ κατ' ἀντικρὺ τοῦ πύλωνος φαινόμενα μέρη κ. τ. λ. Haec vocis huius notio est in vv. Iliad. VIII, 435, XIII, 261, Odys. IV, 42. Cum vero minus apte dici „Diana quae σεμνοῦς atrii parietes habet“ censerent, nonnulli viri docti (ut E. A. I. Ahrensius, Dindorfius [Steph. thesaur. s. v.], Rostius [lex. Gr.], cet.) interpretati sunt „quae castos oculos habet“. Hoc quamquam aptissime dici concedo, tamen minime licere censeo illis hoc uno loco nixis sic hanc vocem explicare, cuius notio prorsus diversa ceteris locis satis munita sit. Satis probabiliter Wilamowitzius (Herm. XXI p. 609) hanc difficultatem explicat: „deam invocari quae εἰσόδους, πρόθυρα tueatur“, revocans ad frg. 386, cum eadem apud Aeschylum dea sit Diana et Hecate. Cf. § 25 c. adn. 3. — Alii locum corruptum esse censent. Vide Oberdickii adn. ad h. v.

5) De epitheto ἐκάτη vide § 25 adn. 3.

6) Quare vix erraverimus censentes: cogitatam esse ab Aeschilo eandem causam quae in Cypriis narrata erat (Kink. fr. ep. p. 19). Cf. etiam Wilamowitz. in Herm. vol. XVIII, p. 250 sq. De fine Iphigeniae sacrificii vide § 89 adn. 3. — Welckerus (tril. p. 408) coniecit in fabula perditā, quae inscripta erat Ἰέρειαι, hanc Dianae iram amplius ab Aeschilo depictam esse. Equidem illius fabulae nec in titulo nec in fragmentis nobis servatis aliquidprehendere possum quod pro-

babilliter ostendat tale argumentum eius fuisse. Cf. § 89 adn. 3. V. Robert, Arch. Zeit. 1876 p. 134 adn. 3. — Probabile autem est in fabula, cuius inscriptio fuit *Τοξότιδες*, Dianæ partes fuisse; in qua de Actaeone agebatur. Vide § 176.

7. Ἄρης¹.

§ 17. De rebus Martis gentiliciis sive domesticis hoc unum praebet Aeschylus, quod *Ἀφροδίτης εὐνάτορα* eum dicit Supp. 672.

Plurima, paene omnia quae omnino de Marte exstant apud Aeschylum, sunt de natura eius moribusque. Pugnae caedisque avidus hominum exstinctor, verus belli deus ille est. Significatur *χρυσοπήληξ* Sept. 103. Iurant per eum qui pugnam parant Sept. 45. Iactat Eteoclus miles ferocissimus ne Martem quidem se fortiorem esse Sept. 456. Atque *ἀρείματος* significat 'bellicus, fortis, validus' frg. 146, Eum. 914. Appellatur *βροτολοιγός* Supp. 673, *μάχλος*, *θεριζων βροτούς* ἐν ἄλλοις ἀρότοις Supp. 644, *ἄχορος* 643, 689, *ἀκίθαρις*, *δακρυγόνος* 689, *λαοδάμας μαινων εὐσέβειαν* Sept. 330, *οὐκ ἐπίχαρις* Sept. 894. Similiter dicitur Martem (*χρυσάμοιβόν σωμαίων*) pro viro ex pugnis remittere urnam cineris Ag. 445 sq., duplex ei esse flagellum, quo delectetur, *δίλογχον ἄτην φοινίαν ξυνωρίδα* Ag. 647; similiter: *Ἄρης φιλεῖ αἰεὶ τὰ λήστα πάντα στρατοῦ perdere*² frg. 98, *Ἄρης βόσκεται φόνον βροτῶν* Sept. 230. Pugnas ille discernit, *ἔργον* (i. e. proelium, certamen) ἐν κύβοις κρίνει Sept. 401, *Ἄρης δικάζει ταῦτα* Supp. 945; est ille *ταλαντοῦχος ἐν μάχῃ δορός* Ag. 446, *πικρὸς χρημάτων κακὸς δατητὰς* Sept. 926.

Saepius aliis deorum nominibus Martis quodammodo appellative apud Aeschylum usurpatur. Cum eorum quos iam enumeravi locorum nonnulli eiusmodi sint, ut dubium sit, utrum Mars pro vero deo an pro ipso tantummodo bello positus sit, iam alii afferendi sunt, ubi unice appellative, ut ita dicam, dei nomen explicandum est, ut Sept. 63 *πνοιαί Ἄρεως* et Sept. 110 *κῦμα πνοαῖς Ἄρεος ὀρόμενον* pro 'hostium impetu' dicitur (cf. 330). Nihil est nisi 'bellum' *Ἄρης* Sept. 399, Supp. 710 (cf. 690), *ἐμψύλιος Ἄρης* 'bellum civile' Eum. 864. *Ἄρη πνεῖν* Ag. 386, 1234, *Ἄρη δεδορκεῖναι* Sept. 53, *Ἄρη κλάζειν* Ag. 48 dicitur. Nec solum bella, pugnae, sed etiam singulorum caedes Martis

propriae dicuntur sive ipso illius nomine significantur, ut legimus: *βιάζεται ὁμοσπόροις ἐπιρροαῖσιν αἱμάτων μέλας Ἄρης* Ag. 1510, *ἔμολε ἐς δόμον Ἀγαμέμνονος διπλοῦς Ἄρης* Ch. 936, *Ἄρης τιθασὸς ὢν* pro caede domestica Eum. 356, *θηλυκτόνῳ Ἄρει δαμέντων* (sc. Aegyptiorum) Prom. 886. Cf. Ch. 159 sq. Sic fortem quoque animum et robur Ἄρης significat, ut *οὐκ ἔνεστ' Ἄρης* sc. feminis' Supp. 757, idem de senibus Ag. 78 dicitur. Quin etiam singulis partibus singuli diversi Martes tribuuntur, ut legimus *Ἄρης Ἄρει ξυμβαλεῖ* Ch. 459³, *Ἰάνων Ἄρης ἐτεράλκῃς* (sc. nos orbavit) Pers. 954⁴.

De locis Martis sacris haec commemoranda sunt. Invocatur *παλαίχθων Ἄρης* a Thebanis, ne ipsius urbem prodat Sept. 102 (cf. 125). Athenas eum *νέμειν φρούριον θεῶν* (una cum Iove) dicitur Eum. 919. Atque ὁ Ἄρειος πάγος commemoratur vel potius scenae locus est in 'Eumenidum' extrema parte (v. 693)⁵. Ibidem de Amazonum castris in colle illo positus et sacris Marti in eo factis, unde Ἄρειος πάγος nominatus sit, narratur Eum. 688 sq.⁶

Ad not. 1) Cf. Klausen., theol. p. 127 sq.

2) Tradita lectio est *πάντα τάνθρώπων στρατοῦ*. Sed iure certe Valckenarius (Diatrib. in Eur., p. 225) *φιλεῖ* requirere infinitivum observavit, quem in vocabulo corrupto *τάνθρώπων* latere verisimile est. Verba alia ab aliis proposita sunt neque vero eiusmodi ullum, quod genuinum esse cuique persuadeatur. Ceterum vide Dind. (frg. 96), Nauck. (frg. 94), Herm. (frg. 104).

3) Cf. § 22.

4) Cf. Schilleri adn. ad h. v.

5) In v. 688 vocem Ἄρειον non sine causa nonnulli editores suspectam habent.

6) Hos versus interpolatos esse Dindorfius putavit. Neque vero esse, cur in eis offendamus, satis mihi videtur demonstrasse Weilius.

8. Ἀφροδίτη¹.

§ 18. Liberi Veneris sunt *Πόθος, Πειθώ, Ἀρμονία*² Supp. 1050. *Ἄρης Ἀφροδίτης ἐνάντωρ* dicitur Supp. 672 et, id quod eodem pertinet, Thebanae virgines eam appellant *γένους προμάτορα*, ex cuius sanguine oriundae sint Sept. 127³. Nomina eius
 × apud Aeschylum praeter Ἀφροδίτη sunt *Κύπρις* Sept. 127, Prom. 677, 890, Supp. 1012, 1045, Eum. 215; *Κυθήρεια* Supp. 1043.

Veneris natura, mores, vis. Omnem amorem ac procreationem a se proficisci ipsa de se praedicat frg. 41⁴; coniugiorum effectrix est Supp. 1043, Eum. 215 (ὄθεν — sc. a Venerē — βοροτοῖσι γίγνεται τὰ φίλτατα). Dicitur αἰολόμητις Supp. 1047, potentia omnes praeter Iovem et Iunonem deos superat Supp. 1046. Comitantur eam liberi Πόθος et Πειθώ Supp. 1050. Appellative, ut ita dicam, pro venustate vel amoris voluptate ipsa dea posita est Supp. 1012, Ag. 428, Prom. 677. Etiam Prom. 890 „τοιᾷδ' ἐπ' ἐχθροὺς τοὺς ἐμὸς ἔλθοι Κύπρις (sc. qualis Aegyptiis)“ quodammodo appellative dictum est⁵.

De sacris Veneris locis praeter nomina quae iam supra commemoravi Κύπρις et Κυθήρεια hoc unum invenimus, quod terra quaedam ab Io peragrata Ἀφροδίτης πολύπυρος αἶα dicitur, quam terram recte, ut videtur, scholiastes interpretatur Phoeniciam.

Adnot. 1) Cf. Klausen., theol. p. 90 sq.

2) Cf. § 27 c. adn. 1.

3) Hoc ad Harmoniam Martis et Veneris filiam, Cadmi uxorem, aperte referendum est, ut iam scholiastes notavit.

4) Patet ex hoc fragmento ipsam Venerem in scenam processisse in 'Danaidibus'. Cf. § 172.

5) „Deum Amorem apud Aeschylum non invenimus: imo omnia, quibus fungi possit, ad Venerem referuntur“ KLAUSEN, l. l. p. 91.

9. Ἑρμῆς¹.

§ 19. Parentes Mercurii sunt Iupiter Prom. 979, 1001, frg. 387 et Maia frg. 387, cf. Ch. 809. Fratrem Apollo eum vocat Eum. 89. Πρόγονον denique eum appellant Arcades (γένος οἱ περὶ λίμναν, sc. Στυμφαλίδα) frg. 271².

Natura, vis, mores. Munus Mercurio datum est a Iove patre homines comitandi, deducendi, custodiendi. Unde πομπάτος cognomen ei est. Eum. 90 sq. Illic mandatur ei, ut Orestem comitetur. Eiusmodi etiam in 'Phrygibus' partes eius fuerunt, sc. Priami deducendi, ut mihi quidem videtur³, in cuius fabulae prologo in scenam prodiisse traditur frg. 254. Sic Mercurio tribuitur, quod bellatores duo alter alteri opponuntur, Sept. 495. Certaminum quoque praeses 'ἐναγώνιος' ab Aeschylo dictus est frg. 387. Similiter μέγιστον πρόξενον, peregrinorum patronum

summum, praeco Aegyptiorum eum sibi vindicat Supp. 931, et huc referendum est, quod identidem Mercurius imploratur, ut secundum det eventum Orestae Aegisthum necaturo Ch. 1, 723, 808 sq. Praeter ceteros autem deducit mortuos homines ad inferos. Eo pertinent versus, qui sequuntur versibus modo allatis Ch. 812 sq.; sic *κιγχάνει νιν Έρμῆς* dictum est ab Aeschylō pro 'moritur' Ch. 620. *Χθόνιος* appellatur Ch. 1, 124, 723 (*χθόνιος καὶ νύχιος*), *ἐνέρων βασιλεύς* Pers. 632. Invocatur ab illis qui mortuorum animas vocant, ut *τοὺς γῆς ἔνερθε δαίμονας* propitios eis reddat Ch. 142 sq., vel ab eis qui carminibus mortuos ab inferis elicere conantur Pers. 632. Et metalla, cum sint subterranea, *ερμαία δόσις* dicuntur Eum. 948.

§ 20. Imprimis autem Iovis patris sive omnium deorum praeco Mercurius est. Hoc munere fungitur in Aeschylī 'Prometheo Vincto' a patre missus, ut exquirat e Prometheo nuptias quas ille iactat Prom. 976 sq. Illic se ipse nominat *πατρὶ Ζηνὶ πιστὸν ἄγγελον* 1001, cum Prometheus contemptim eum appellet *Διὸς τρόχιν* 973, *διάκονον* 974, *θεῶν ὑπηρέτην* 986, 1015 eiusque munus *λατρείαν* 998. Praeco Agamemnonis eum vocat *τιμάρου* suum, *φίλον κήρυκα*, *κηρύκων σέβας* Ag. 520, Electra *κήρυκα μέγιστον τῶν ἄνω τε καὶ κάτω* Ch. 123⁴.

De moribus Mercurii pauca colligi possunt ex ea scena quam modo commemoravi Prom. 976 sq. Praebet se illic Iovi fidelem, cuius partibus ab omni parte favet. Prometheus igitur in inimicorum suorum numero eum ducit 1005, qui beneficiis a se affecti maleficia sibi reddant 1008. Mercurius autem identidem eius contumaciam vituperat suadetque, ut prudentia usus Iovi se subiciat, quod laudant Oceanides Prometheo faventes 1068.

Argum a Mercurio interfectum esse memoratur Supp. 309 (cf. Prom. 707). Sacra denique Mercurii loca Aeschylus laudat *Έρμαϊον λέπας Αἰῶνον* Ag. 295 et Cyllenen montem Arcadiae frg. 271⁵.

Mentione praeterea dignum est, quod dicitur Supp. 226 alium esse *Έρμῆν* ex Aegyptiorum, alium Graecorum doctrinis.

Ad not. 1) Cf. Klausen., theol. p. 101 sq.

2) Arcades et lacum Stympalicum dici schol. Aristoph. testatur. Cf. § 132.

3) Cf. § 95.

4) Consulto omisi Supp. 254, cum 'Ερμού illic genuinum esse pro tradito ἥτερον non ita probari posse mihi videatur, ut omnis dubitatio remota sit.

5) Schol. Aristoph. hoc testatur. Cf. adn. 2.

10. Θέμις¹.

§ 21. Haud ita multa de Themide apud Aeschylum exstant, sed admodum memorabilia et quae non careant difficultatibus. Nam cum unum idemque numen esse Themidem et Tellurem dicatur Prom. 226, filia Γαίας Themis significatur Eum. 3 atque appellatur *καλαιγενής Τιτανίς* Prom. 900 (cf. Eum. 6)². Promethei mater Themis est Prom. 18, 225, 900.

De ratione quae inter Iovem et illam deam intercedat in Promethei fabula nihil comperimus nisi quod hanc, quamquam Titanidem, illius partibus favisse legimus Prom. 225 sq. Uxorem Iovis in 'Prometheo' certe eam Aeschylus non cogitavit³.

Praedita Themis est divinatione, qua usa Prometheus filium vaticinia docet, Prom. 227, 900. Sic etiam oraculo Delphico olim praefuit, quod a Terra matre recepit donavitque sorori Phoebae, Eum. 2 sq. Appellatur *ὀρθόβουλος* Prom. 18.

Adnot. 1) Cf. Klausen., theol. p. 34 sq.

2) De hac discrepantia, praecipue de Prom. v. 226 vide § 46 adnot. 2.

3) Hoc efficitur ex eis rationibus, quae et inter Iovem et Prometheus et inter Themidem et Prometheus fiunt. Cf. de hac quaestione disserentem H. L. Ahrensium, Ueber die Göttin Themis, Hannov. 1862, p. 8. Adde Keckium, Der theol. Char. des Zeus in Aesch. Prom., p. 23, et cf. supra § 1 adn. 6. — Suppl. 364 *ἰκεσία Θέμις Διὸς κλαρίου* invocatur. Sed recte Welckerus (tril. p. 39 adn. 49) monet, hic non de dea Titanide cogitandum esse, sed allegorice poetam loqui. Quare rectior mihi videtur scriptura *Θέμις* (ut Supp. 37, 444): sc. *ἰκεσία Θέμις Διὸς* pro *Ζεὺς θεμιστιος καὶ ἰκέσιος* metaphorice dicitur.

11. Αἰκὴ¹.

§ 22. Filia Αἰκὴ dicitur Iovis Sept. 649, Ch. 948, *παρθένος* Sept. 649, et talis picta ea est in Polynicis scuto Sept. 632 sq. Cetera autem, quaecunque de ea apud Aeschylum exstant, vix aliud quidquam eam esse Aeschylo ostendunt atque universam iuris notionem divina specie indutam. Quae fere omnia eius-

modi sunt, ut non minus appellativam vocem 'δίκη' quam ipsam deam intellegendam esse putare possimus. Magis ceteris haec verae deae significationem servant. De eadem quam attuli Polyniceis imagine ab Eteocle dicitur, nunquam eam aspexisse Polynicem ac, si adiutura illum sit, πανδίκως eam ψευδώνυμον Δίκην futuram esse, Sept. 654 sq. Μεγιστότιμος ea dicitur, cuius in praeceptis tertium scriptum sit τὸ τῶν τεκόντων σέβας Supp. 715 sq., τέλειος, cui immolasse se Agamemnonem Clytaemnestra ait Ag. 1433. Δίκα τοῖς παθοῦσιν μαθεῖν ἐπιρροέπει Ag. 261. Ut dea imploratur Δίχη Ch. 243, sed invocatur etiam δίκη ita, ut vix aliter ac simplex appellativa vox explicanda sit, ut Eum. 514 (cf. 519, 528), 789, imprimis Ch. 148, ubi diserte δίκη a deis separatur. Cf. etiam Ch. 495, ubi Agamemnon invocatur verbis δίκην ἅλλε σύμμαχον φίλοις, et Ch. 639, ubi re vera adiuvisse eam Orestes praedicat. De ara Iustitiae Aeschylus dicit, sed id quoque haud aliter fere atque allegorice Ag. 394, Eum. 542. Similiter de his locis iudicandum est ubi adiuvisse eam legimus, Ag. 1607, Ch. 947, deque iis ubi legimus sive 'magna voce eam clamare ἀντὶ πληγῆς πληγῆν' κ. τ. λ.', Ch. 309 sq., sive 'Δίκα ξυμβαλεῖ Δίκης'² (scil. alterius partis cum alterius) Ch. 459³.

Restant nonnulli loci, ubi simpliciter appellative, ut ita dicam, vox δίκη mihi videtur explicanda esse. Quae tamen, ut perfectus fiat conspectus, afferam; sunt Sept. 402⁴, Ag. 767, 902, 1611, Ch. 59, 643, frg. 257.

Adnot. 1) Cf. Klausen., theol. p. 129 sq.

2) Cf. § 17 de diversis singularum partium Martibus.

3) Etiam Ag. v. 1537 huc mihi referendus videtur, ubi in verbis corruptis Δίκα θηγάνει μάχαιραν latere mihi persuasum est.

4) Recte hic explicat scholiastes: Δίκη δ' ὁμαίων· τὸ τῆς συγγενείας δίκαιον στέλλει αὐτὸν εἰς τὴν μάχην. Cui assentiuntur Hermannus et E. A. I. Ahrensius. Aliter nec vero recte interpretari videtur Klausenius (l. l.). Nulla causa est, quod hoc loco Martis et Iustitiae cognatio commemoretur, neque omnino id ferri possit; quo accedit quod verba ita posita sunt, ut ὁμαίων ad Melanippum, non ad Martem pertinere appareat.

12. Αἷτω.

§ 23. De Latona hoc unum apud Aeschylum exstat, quod Apollo eius filius significatur Eum. 324.

Σατυρ. 19. 12

13. Κράτος, Βία.

§ 24. Κράτος et Βία, Iovis ministri, in scenam procedunt in Aeschyli Promethei Vincti prologo (v. 1—87). Hi enim a Iove iussi sunt Prometheum tenentes iuvare Vulcanum ad rupem illum alligantem, Prom. 12 sq. E quibus Βία muta tantummodo persona est neque amplius quidquam de ea exstat. Pluribus Roboris mores pinguntur. Durus eius animus est vel potius plane immanis. Vituperat Vulcanum propter Promethei misericordiam monetque eum, ne cunctetur Iovis imperata exsequi, Prom. 36 sq., 67 sq. Quin etiam illudit Prometheum ad rupem vinctum, quem iustas Iovi poenas dare censet 7 sq., 37, 70. Animi eius immanitati corporis forma accommodata est 78 sq.

Una cum Iove et Iustitia invocatur Κράτος ab Electra Ch. 243.

14. Ἑκάτη¹.

§ 25. Hecates deae simulacrum invocatur: δέσποιν' Ἑκάτη τῶν βασιλείων πρόδομος² μελάθρων frg. 386³.

Ad not. 1) Cf. Klausen., theol. p. 99.

2) Cf. Ahrens., schol. Theocr. II, 36 et Hermann. ad hoc frg. (355). — De Hecate εἰσόδων tutrice vide § 16 adn. 4. Cf. Preller.-Robert., Gr. Myth. I, p. 322.

3) Ἑκάτη i. e. iaculatrix, longe iaculans, Dianae epitheton est Supp. 684. (Vide § 16). Ex hoc loco comparatoque frg. 169, ubi ἀστερωπὸν ὄμμα Αἰγυῖας κόρας de luna dicitur, colligi licet unam eandemque deam Dianam et Hecaten ut ab aliis sic etiam ab Aeschilo putari. Itaque ad Dianam etiam frg. 386 refert Klausenius (l. l.). Cf. Wilamowitz. (Herm. 21 p. 609). Nihilominus equidem disiungendas in hac deorum conspectu eas esse putavi et perspicuitatis causa et maxime, quia hoc frg. 386 ad Theocriti locum (2, 36) a scholiasta refertur, ubi aperte agitur de Hecate τριμόρφῳ, quam a Diana quodammodo secernendam esse Welckerus (Gr. Gütterl. II p. 398 sq., praec. p. 404) et Preller.-Robert. (Gr. myth. I p. 321 sq.) demonstrant; unde coniciendum est etiam Aeschyli illa verba ad hanc triforem magorum Hecaten pertinere.

15. Ἐνυώ, Φόβος.

§ 26. De Phobo et Enyo hoc unum apud Aeschylum invenitur, quod una cum Marte invocantur a bellatoribus iureiurando se obstringentibus Sept. 45. Ibidem Φόβος φιλαίματος dicitur.

16. Πειθώ, Πόθος, Ἀρμονία.

§ 27. Matris Ἀφροδίτης sociae et comites sunt Πόθος, Πειθώ, Ἀρμονία Supp. 1049 sq.¹ De Potho praeterea nihil exstat apud Aeschylum neque de Harmonia quidquam praeter hoc, quod ibi legimus: *δέδοται δ' Ἀρμονία μοιρ' Ἀφροδίτας πεδυραὶ τρίβοι τ' ἐρώτων.*

Pluribus locis Πειθώ commemoratur. Qui omnes eam ostendunt deam persuadendi. Appellatur *θέλκτωρ* Supp. 1050, *δόλια* Ch. 722. Nihil ei negari potest, Supp. 1050; solum deorum *θάνατον* superare non potest, frg. 156. Invocatur, ut persuasiones bene succedant, a Minerva Eum. 886 et a choro pro Oreste preces faciente Ch. 722, gratiasque ei agit Minerva (*στέργω ὅμματα Πειθοῦς κτλ.*) postquam vicit persuadendo, Eum. 971.

Adnot. 1) Harmonia quamquam disertis verbis non dicitur filia Veneris esse et comes, respecto tamen sententiarum conexu videri sic Aeschilo nemo negabit.

17. Μοῦσαι.

§ 28. Musae deae nunquam apud Aeschylum commemorantur. Namque unus locus ubi tradita lectio est *μοῦσαι θεαί τ'*, Supp. 703, aperte corruptus est et sine dubio recte ita emendatus ab Hermannō, ut *μοῦσα* cum significatione appellativa 'cantus' legatur. Idem significat *μοῦσα* Eum. 308.

18. Ἀσκληπιός.

§ 29. Memoratur extinctum esse a Iove τὸν ὀρθοδαῆ τῶν φθιμένων ἀνάγειν, quod ad Aesculapium fulmine percussum pertinere apertum est, Ag. 1007 sq.¹

Adnot. 1) Verba non integra sunt, sed de sensu loci nulla dubitatio.

19. Ἥλιος¹.

§ 30. Filiae Solis Ἠλιάδες nomen praebuerunt fabulae Aeschyleae nobis perditae. Cuius argumentum quin in Phaëthon-tis temeritate luctuque sororum versatum sit, dubitari vix potest. Titul. frg. 65 b. Certe Eridanus fluvius in hac fabula exstabat, frg. 65 b, nec repugnant reliqua fragmenta tali argumento². Filia Solis etiam Luna ab Aeschilo dicta esse traditur, frg. 443.

De natura Solis hoc praeter cetera praedicatur, ab eo omnia conspici posse, Ag. 637, Ch. 983, Prom. 91, frg. 192. Sic etiam *πατήρ* appellatur ab Oreste (qui testem eum sibi futurum esse confidit) Ch. 982. *Ὁ τρέφων χθονὸς φύσιν* Sol est Ag. 637. De cotidiano Solis itinere Aeschylus haec profert: *αἰεὶ* (i. e. cotidie) Sol corpus suum immortale fessosque equos calida lavatione recreat in lacu Aethiopico, frg. 192. Eodem sine dubio pertinet quod legimus Prom. 834 *Ἥλιον πηγαί*. Noctu autem in poculo a Vulcano facto per Oceanum ad orientem revehitur, frg. 66.

Imploratur, ut auxilium ferat, Sol vel potius eius *ἀνγαὶ σωτήριοι* a Danaidibus Supp. 219³.

Quod ibidem legimus *Ζηνὸς ὄρνιν* recte de Sole explicare videtur scholiastes.

Memorabile denique est, quod Sol est deus Persarum Pers. 235⁴.

Ad not. 1) Cf. Klausen. theol. p. 121 sq.

2) Amplius de hoc disseruerunt Welckerus (tril. p. 566 sq.) et Hermannus (opp. III, p. 130 sq.). Cf. etiam Nauckium, Ahrensium, Dindorfium ad frgg., Robertum in Herm. vol. XVIII p. 439, Wilamowitzium ibid. p. 427, Knaackium, quaestiones Phaetontaeae, p. 17 sq.

3) Nihil haec omnia, quae de Solis natura apud Aeschylum inveniuntur, nisi allegoricam quamdam veri solis divina specie induti imaginem ostendunt.

4) Certe non sine causa Persarum *ἄναξ* ab Aeschylo Sol significatur. Cf. § 14 adn. 8. Ibidem vide de frg. 20.

20. Σελήνη.

§ 31. Lunam Solis filiam dictam esse accepimus, frg. 443. Praeterea non commemoratur in reliquiis Aeschyleis.

21. Ἥώς, Ἡμέρα.

§ 32. Aurora Memnonis mater est, frg. 276. In scenam procedebat in Psychostasia; Iovi pro filii vita supplicat et postea mortui filii corpus surripit, frg. 276. *Κισσία*, i. e. Susiana, illa dicitur frg. 279¹.

Ἡμέραν cum eandem cum Aurora ab Aeschylo creditam esse verisimile sit², hic referam quod unum de hac mentione dignum est Aeschyleum. Vocatur *Ἡμέρα λευκόπωλος* Pers. 389.

Ceterum quod de eius surrectione illic dicitur nihil fere est nisi figura allegorica.

Adnot. 1) Quod ita accipiendum esse puto, sacram eius dici illam, ut orientis, urbem sive regionem, unde etiam filius eius Troiam venit. Non opus esse censeo explicatione tam alte repetita, qualia Welckero placet (ep. Cycl. p. 211) „non agi de Aurora sed metaphrice ipsam terram *Κισσίαν* ‘matrem’ ab Aeschylō dici“. Cf. § 96 c. adnot. 2.

2) Vide Prellerum, myth. Gr.² I, p. 343.

22. Reliqua visa caelestia, *Αἰθήρ*, sidera, venti.

§ 33. *Αἰθήρ* bis a Prometheo invocatur, ut testis ei sit immerito patienti Prom. 88, ubi *δῖος*, et Prom. 1126, ubi *πάντων κοινὸν φάος εἰλίσσων*¹ epitheton ei est. Sed uterque locus eiusmodi est, ut de divina illius natura quid Aeschylus putaverit sive intellegi voluerit, perspicui non possit².

Sidera. De sideribus, quod quidem ad mythologiam pertineat, hoc unum Aeschyleum³ exstat, quod Athenaeus affert: dicuntur Pleiades⁴ *Πελειάδες*, septem filiae Atlantis, quae patris laborem deplorant, frg. 298. Maia, Iovis uxor, Mercurii mater, nominatur frg. 387.

Venti. In universum venti *ταχύπτεροι πνοαί* invocantur a Prometheo ut testes, sed ita, ut admodum dubium sit, num deos eos illic intellegi Aeschylus voluerit, Prom. 88. — De Zephyro vide § 77 adn. 1. — De uno tantummodo ventorum singularia exstant, Borea. Partes enim agebat Boreas in fabula perditā ‘Orithyia’, cuius argumentum praecipue notus ille Orithyiae raptus videtur fuisse, frg. 280⁵. Illic Boreas ipse vires suas praedicat. Monet, ut custodiant homines foci ignem. Nam facile sibi esse totam comburere domum una scintilla deprehensa cet., frg. 280. Etiam *ἀνλητήν* eum dixisse illic videtur Aeschylus ac demersis eum maxillis mare eruere, frg. 280. Etiam certam Boreae sedem Aeschylus statuit, quamquam ubi terrarum illam putarit non servatum est, frg. 195.

Adnot. 1) De hoc epitheto vide Schoemannum ad h. v.

2) Quin etiam uterque locus eiusmodi est, ut appellativa quoque, ut ita dicam, vox *αἰθήρ* intellegi liceat. Nos quoque Christiani ita dicere possumus per allegoriam. Nulla igitur causa est, cur cum

H. L. Ahrensio (Ueber die Göttin Themis, p. 9 sq., p. 11) ex his locis colligamus Aeschylum *Αἰθέρα* Promethei patrem putasse. — Cf. etiam quod idem Aeschylus dixisse fertur: *Ζεὺς ἐστὶν αἰθήρ*, *Ζεὺς δὲ γῆ*, *Ζεὺς δ' οὐρανός τε*., frg. 65 a.

3) Commemorantur etiam Pleiades Ag. 817, Sirius Ag. 958; nihil vero significant nisi vera ipsa sidera.

4) *Πλειάδες* Ag. 817.

5) Vide Welcker., trill. p. 564 sq.

23. Deae fatales,

*Μοῖραι, Τύχη, Αἶσα, Νέμεσις, Ἀδράστεια*¹.

§ 34. De fatalibus numinibus apud Aeschylum haec inveniuntur.

a) *Μοῖραι*. Alias pluralis *Μοῖραι*, alias singularis *Μοῖρα* exstat². *Μοῖραι ματροκασιγνήται* Furiarum Eum. 963, *παλαιγενεῖς* Eum. 173, *τρίμορφοι* sunt Prom. 532. Una cum Furiis hae *ἀνάγκη* regunt Prom. 531, cui illic Iupiter ipse obnoxius est, cum a Choephoris (v. 305) eadem invocentur, ut *Διόθεν* adiuvēt Orestis consilia³. *Παντὶ δόμῳ μετάκοινοι, ὀρθονόμοι*, iustitiam parantes, *πάντα τιμιώταται θεῶν* a Furiis dicuntur Eum. 964 sq. Cum omnia ab eis reguntur fata, tum coniugia earum sunt Eum. 959 sq. Invocantur Parcae ab Oceanidibus Prom. 923. Parcas *φθίνεσθαι* Eum. 173 sive *πείθεσθαι* 727 dicitur (ab Eumenidibus Aeschyleis), cum solitus rerum divinarum et humanarum ordo et moderatio videtur turbatus esse⁴.

Praeterea singularis *Μοῖρα* saepius apud Aeschylum invenitur, simpliciter ac paene sublata omni personae specie significans simile aliquid Fato Romanorum⁵. Vocatur *διανταία* Eum. 335, *βαρυνδότεira, μογερά* Sept. 962, *κτανέη* in epigrammate Aeschylo adscripto frg. 449. Tribuuntur ei quaecunque accidunt, ut mortes hominum Ch. 909 (ubi de Agamemnonis morte agitur), 910, frg. 449, Ag. 1451, Troiae excidium Ag. 135. Furiae *Μοῖραν* munus suum sibi *ἐπικλώσαι* dicunt Eum. 335, 395. Sic denique in Eumenidum conclusione Athenienses secundi eventus gratias et Iovi agunt et *Μοῖρα* Eum. 1047.

Ipsam autem quod efficiunt *Μοῖραι* (vel *Μοῖρα*) fatum sine dubio ab Aeschylo significatur vocibus *ἀνάγκη*, *τὸ μόριμον*, *πεπρωμένον* (sive *πεπρωμένος μόρος*, *πεπρωμένη αἶσα*, *πέ-*

πρωται cet.), quarum unaquaeque apud eum saepenumero deprehenditur⁶.

§ 35. b) *Τύχη*. Uno tantummodo loco Aeschyleo de Fortuna dea cogitare possumus Ag. 669, ubi allegorice dicitur *Τύχη δὲ σωτήρ ναυστολοῦσ' ἐφέζετο πτλ.*

c) *Αἶσα* quoque dea uno loco commemoratur Ch. 644, ubi allegorice '*προχαλκεύει Αἶσα φασγανουργός*' dicitur.

d) *Νέμεσις* non exstat nisi frg. 257, ubi Priamus, ut videtur, dicit: *ἡμῶν γε μέντοι Νέμεσις ἐσθ' ὑπερτέρα*. Ulciscendi igitur eius munus significari videtur.

e) *Ἀδράστεια*. Verbis οἱ προσκυννοῦντες τὴν Ἀδράστειαν σοφοί Prometheum superbientem monent Oceanides Prom. 968, ubi dubium est, an Aeschylus eandem eam putaverit ac *Νέμεσιν*⁷. — Sedem *Ἀδραστέας* fuisse apud Berecynthes Aeschylus dixisse fertur frg. 155. Nec vero quidquam de deae natura illic reperimus.

Ad not. 1) Cf. Klausen., theol. p. 36 sq.

2) Similiter *Ἐρινός* et *Ἐρινύες*; vide § 62.

3) De ratione quae inter Iovem et *Μοῖραν* intercedit vide § 1 adn. 6 et § 3 adn. 14. — De *ἀνάγκη* vide paulo infra.

4) Loco priore Furiae queruntur, quod Apollo Orestem tuetur, posteriore eidem deo obiciunt, vino eum Parcas commovisse, ut immortalem facerent Pheretem. Cf. § 13 adn. 4.

5) Cf. Keckium (der theol. Charakt. des Zeus in Aesch. Prom., p. 14), qui „manifesto non esse personam *Μοῖραν* apud Aeschylum“ censet, bene autem eam explicat ut „eam vim qua certis datis conditionibus certa consequuntur“.

6) Accuratius quid horum vocabulorum quodque significet Klausenius (l. l. p. 46 sq.) explicare conatur. — Loci, qui non pauci sunt, congesti sunt a Dindorfio in lex. Aesch. s. vv. *ἀν.*, *μόρσ.*, *πεπ.*

7) Ut Weckleinio videtur.

VITA.

Wolframus Maximilianus Henricus Kausche natus sum Brunsvigae a. d. IX Cal. Novembr. a. h. s. LXIV, patre Georgio mercatore, matre Elisabetha è gente Wolfram, quos superstites veneror. Fidei addictus sum evangelicae. Primis litterarum elementis imbutus gymnasia frequentavi primum Brunsvigae Martino-Catharineum, deinde Stetini, quo parentes mei transmigraverunt, Marianum. Maturitatis testimonium adeptus vere anni h. s. LXXXIII universitatem adii Halensem, ut studiis operam darem et philologicis et historicis. Inde autumnio insequentis anni Berolinum me contuli. Cum ibi per bis sex menses scholas audivissem, Halas redii, ut iisdem studiis incumberem. Vere autem anni LXXXVII h. s. parentibus morem gerens denuo Halis discessi, ut in praedio aliquo pueros litterarum elementis instruerem. Docuerunt me vv. ill.: Aegidi, Bresslau, Collitz, E. Curmus, Dittenberger, G. Droysen, Dümmler, Erdmann, Gosche, Haym, Hertzberg, Heydemann, Hiller, Keil, Kiepert, Alfred Kirchhoff, Maass, Riehm, Joh. Schmidt, Schum, Strack, Stumpf, de Treitschke, Uphues, Vahlen, Vaihinger, Wattenbach, Zacher. Seminarii philologici Halensis docentibus Keilio, Hillero, Dittenbergero sodalis postremo fui ordinarius, cum ante extraordinarius iisdem et proseminarii exercitationibus interfuissem. Praeterea ut interesset exercitationibus, quas instituerunt, historicis Wattenbach, Dümmler, Droysen, philologicis Maass, epigraphicis Collitz benigne permiserunt. Societatum denique suarum philologicarum aditum benevole mihi dederunt Keilius et Hillerus. His viris omnibus qui me docuerunt, maxime Keilio et Hillero optime de me meritis, gratias ago quam maximas semperque habebo.



Stanford University Libraries

3 6105 124 428 926



3829

K3

**Stanford University Libraries
Stanford, California**

Return this book on or before date due.

--	--	--

